

SIK-p Inuusuttaasa malittarisassa

Aqqa angerlarsimaffialu:

§ 1. SIK-p Inuusuttai nuna tamakkerlugu immikkoortorta qarfiuvoq SIK-p ilaasortaanut sulisartunut ilinniagaqartunullu inuusuttuusunut.

Imm. 2. SIK-p Inuusuttai Kalaallit Nunaanni angerlarsimaffeqarput. SIK-p Inuusuttaasa siulittaasua-ta siulersuisuisalu allat nunap ilaani sumi allaffeqarlutilluunniit najugaqarnissaannik piumasaqaate-qanngilaq.

Siunertaq

§ 2. SIK-p Inuusuttaasa siunertaraat:

- Sulisartut inuusuttut akissarsiatigut atorfeqarnikkullu pitsaasunik sullivinnilu avatangiisinik toqqissisimanartunik atugaqarnissaat sulissutigissallugu.
- Ilinniagaqartut ilinniarnermi pitsaasunik atugaqarnissaat sulissutigissallugu.
- Ilinniagaqartut ineqarnikkut atugarisaasa pitsanngorsarneqartuarnissaat sulissutigissallugu.
- Inuusuttut suliffeqarnikkut inuuniarnikkullu atugarisaannik inuiaqatigiit ilisimatissallugit.
- SIK-p Inuusuttai pillugit atuarfinni, ilinniarfinni suliffinnilu paasisitsiniaasassallutik.
- Ilinniartut sulisartullu inuusuttut oqaloqatigiissinniassallugit, taamaalillutik inuusuttut atugarisaannik pitsanngorsaaniarnermi tapersersoqatigiinniassammata.
- SIK-mi ingerlatsiviit allat, ilaatigut peqatigiiffiit kattuffiullu allattoqarfia, suleqatigilluarnias-sallugit, soorlu inuusuttut atugarisaannut tunngassuteqartut SIK aqqutigalugu isumaqatigi-inniutigineqartarsinnaanerit siunertaralugu.
- Nunani tamalaani sulisartut kattuffiisa inuusuttunut immikkoortorta qarfiinik suleqateqar-nissaq, nunatsinni SIK-p Inuusuttaasa sulineranni iluaqutissanik isumassarsiorfigalugit.

Ilaasortat

§ 3. SIK-mut ilaasortat 35-t ataallugit ukiullit SIK-p Inuusuttaanut aamma najukkami SIK-p peqatigiiffianut ilaasortaavoq – suliffeqaruni, suliffissaarusimaguni imaluunniit ilinniaga-qartuuguni.

Imm. 2. Ilaasortaq 35-nik ukioqaleruni SIK-p Inuusuttaanut ilaasortaajunnaassaaq, kisianni takuuk § 15 imm. 2-mi immikkut pineqartoq.

SIK-p Inuusuttaasa aqqissugaanerit SIK-llu ingerlatsiviinut allanut attaveqarneq

§ 4. SIK-p Inuusuttai ima aaqqissugaapput:

1. Ataatsimeersuarneq
2. Siulersuisut
3. Ulluinnarni aqutsisut
4. Illoqarfinni nunaqarfinnilu attaveqaatit

§ 5. SIK-p Inuusuttaasa malitassaraat SIK-p inatsisai, tassa SIK-p malittarisassai inuusuttunullu immikkoortorta qarfiup nammineq malittarisassai. Taamattaq SIK-p Inuusuttai SIK-p ataatsimeersuarnerani, nakkutilliisoqarfiani kiisalu siulersuisuunerini aalajangikkanik malinnittuussaapput.

§ 6. SIK-p Inuusuttai SIK-p ataatsimeersuarnerani marlunnik peqataatitaqassapput, SIK-llu nakkutilliisoqarfiata ukiumoortumik ataatsimiinnerani ataatsimik peqataatitaqassallutik. SIK-p Inuusuttaasa siulersuisuisa aalajangissavaat kikkut ataatsimiinnernut taakkununga SIK-p Inuusuttai sinnerlugit peqataatinneqassanersut.

Imm. 2. SIK-p Inuusuttai SIK-p siulersuisuunerisa ataatsimiinnerini ataatsimik peqataatitaqartassapput oqaaseqarsinnaatitaallunilu siunnersuuteqarsinnaatitaasumik.

§ 7. SIK-p Inuusuttaasa malittarisassa atuu tussanngortinneqartinnagit SIK-p siulersuisuunerinit akuersissutigineqassapput.

§ 8. SIK-p allattoqarfia pisussaataavoq inuusuttunut immikkoortorta qarfimmu tapersersuillunilu siunnersuissaminut, tamanna inuusuttunut immikkoortorta qarfiup kissaatigippagu. Taamatuttaq SIK-p Inuusuttai akunnerminni ajornartorsiutinik aaqqiiniarnerminni ikioqquppata SIK-p allattoqarfia ikiuuttussaataavoq.

§ 9. SIK-p Inuusuttai inuusuttunut immikkoortorta qarfittut atorunnaarsinneqarsinnaanngillat tamanna SIK-p ataatsimeersuarnerani imaluunniit nakkutilliisoqarfiani aalajangerneqarsimanngippat. Taamatut atorunnaarsitsisoqartinnagu tamanna SIK-p Inuusuttaasa ataatsimeersuarneranni oqaluuserineqarsimasariaqarpoq atorunnaarsitsinissaq imaluunniit atorunnaarsitsinnginissaq inassutigalugu.

Ataatsimeersuarneq

§ 10. Ataatsimeersuarneq tassaavoq SIK-p Inuusuttaani oqartussaasoq qullerpaq.

Imm. 2. Ataatsimeersuarneq ukioq ataaseq allortarlugu ingerlanneqartassaaq. Ataatsimeersuarneq ingerlanneqartassaaq oktobarimi novembarimiluunniit, siulersuisullu allakkatigut imaluunniit e-mailikkut ataatsimeersuariaqqusisassapput qaammatinik minnerpaamik tallimanik sioqqutsillutik illoqarfinni nunaqarfinnilu attaveqaatinut, SIK-p allattoqarfianut kiisalu SIK-p nittartagaatigut nalunaaruteqarnikkut.

§ 11. Uku ataatsimeersuarnermi peqataassapput:

- a) Aallartitat attaveqaatit § 25-mi taaneqartunit toqqakkat. Attaveqaatit tamarmik immikkut ataatsimeersuarnermi peqataasussamik ataatsimik toqqaassapput. Aallartitat taakku oqaaseqarsinnaatitaallutillu taasisinnaatitaapput.
- b) SIK-p Inuusuttaasa siulersuisuinut ilaasortat immikkoortoq (a) malillugu attaveqaatit toqqagaanngitsut. Ilaasortat taakku oqaaseqarsinnaatitaallutillu taasisinnaatitaapput.
- c) SIK-p siulersuisuunerisa peqataatitaat ataaseq. Taanna oqaaseqarsinnaatitaavoq, taasisinnaatitaananili.
- d) SIK-p allattoqarfiata peqataatitaa ataaseq. Taanna oqaaseqarsinnaatitaavoq, taasisinnaatitaananili.

Imm. 2. Siulersuisut inunnik allanik imm. 1-imi taaneqanngitsunik ataatsimeersuarnermut peqataajartoqqusisinnaapput.

Imm. 3. Kikkut aallartitassatut toqqarneqarsimanersut ataatsimeersuarnissaq kingusinnerpaamik qaammatinik pingasunik sioqqullugu attaveqaatit toqqakkat siulersuisunut nalunaarutigissavaat.

§ 12. Aallartitat § 11 imm. 1-imi taaneqartut siunnersuutinik ataatsimeersuarnermi oqaluuseritikusutaminnik saqqummiussisinnaapput. Siunnersuutit taamaattut siulersuisunit tiguneqareersimassapput ataatsimeersuarnissaq kingusinnerpaamik qaammatinik marlunnik sioqqullugu.

§ 13. Siulersuisut ataatsimeersuarnissami atortussanik nassiussisapput ataatsimeersuarnissaq kingusinnerpaamik qaammammik ataatsimik sioqqullugu, peqataasussanut § 11 imm. 1-imi taaneqartunut. Atortussanut ilaapput ullormut oqaluuserisassanut siunnersuutit, siunnersuutit tiguneqarsimasut kiisalu naatsorsuutit.

Imm. 2. Ataatsimeersuarnermi aalajangiinerit amerlanerussuteqarnikkut pisassapput. Siulersuisunut ilaasortassanik qinersinermi taasinerit amerlaqatigiitsillugit pisariaqarnera naapertorlugu tamanna makitsinikkut aaliangerneqartassaaq.

Imm. 3. Pisinnaatitsissuteqarnikkut imaluunniit allakkatigut taasisoqarsinnaanngilaq.

Imm. 4. Ataatsimeersuarnermi taasinerit nappaanikkut pisassapput. Inunnik qinersinerit allalluni taasinnikkut pisassapput qinerneqartussanit amerlanerusunik qinigassanngortitsisoqaraangat.

§ 14. Ullormut oqaluuserisassat minnerpaamik imaattunik immikkoortoqassapput:

1. Siulersuisut siulittaasuata ammaanera.
2. Aqutsisussamik toqqaaneq.
3. Imaqarniliortussamik taasinernillu kisitsisussanik toqqaaneq.
4. Ullormut oqaluuserisassat akuerineqarnerat.
5. Siulersuisut nalunaarutaat.
6. Naatsorsuutit ilisimatitsissutigalugit saqqummiunneqarnerat.
7. Siunnersuutit tiguneqarsimasut oqaluuserineqarneri.
8. Siulersuisussanik qinersineq.
 - Siulittaasumik qinersineq
 - Siulittaasup tullianik qinersineq
 - Siulersuisunut ilaasortanik pingasunik qinersineq
 - Sinniisussanik pingasunik qinersineq
9. Taasariaqartut allat.

§ 15. Ataatsimeersuarnermut aallartitat § 11-mi, imm. 1, a-mi b-milu taaneqartut siulersuisunut qinerneqarsinnaapput ullormi qinersiffiusumi 35-t inorlugit ukioqarunik.

Imm. 2. Siulersuisunut ilaasortaq piffissap qinersiviusup ingerlanerani 35-nik ukioqaleruni ilaasortaaginnarsinnaavoq ataatsimeersuarnermi tulliuttumi siulersuisunik nutaanik qinersinissap tungaanut.

§ 16. Ataatsimeersuarnermit imaqarniliaq ataatsimeersuarnermi peqataasunut, attaveqaatinut § 25-mi taaneqartunut ataatsimeersuarnermi peqataangitsunut, kiisalu SIK-p immikkoortorta qarfi-inut allattoqarfianullu nassiunneqassaaq ataatsimeersuarnerup kingorna kingusinnerpaamik sa-paatip-akunneri pingasut qaangiutsinnagit.

§ 17. Siulersuisut ataatsimeersuarnissaq sioqqullugu SIK-p allattoqarfia isumasioqatigereerlugu aalajangiisassapput ataatsimeersuarnermut atatillugu angalanernut, ullormusianut kiisalu nerisaqarnermut ineqarnermullu aningaasartuutissat pillugit.

Immikkut ittumik ataatsimeersuarneq

§ 18. Siulersuisut 2/3-ii imaluunniit attaveqaatit § 25-mi taaneqartut 2/3-ii tamatuminnga piumasaqarpata immikkut ittumik ataatsimeersuartoqassaaq. Tamatuminnga piumasaqarnerup peqatigi-saanik ullormut oqaluuserisassanik siunnersuuteqartoqassaaq.

Imm. 2. Immikkut ittumik ataatsimeersuarneq ingerlanneqassaaq tamatuminnga piumasaqaatip siulersuisunit tiguneqarneranit kingusinnerpaamik qaammatit marluk qaangiutsinnagit.

Imm. 3. Inuit § 11 imm. 1-imi taaneqartut immikkut ittumik ataatsimeersuarnermi peqataassap-put.

Imm. 4. Siulersuisut aalajangersinnaapput immikkut ittumik ataatsimeersuarneq telefonikkut allak-katigulluunniit ingerlanneqassasoq.

Siulersuisut

§ 19. Siulersuisut ataatsimeersuarnerit akornanni SIK-p Inuusuttaasa aqunneqarnerannut quller-saapput. Siulersuisut ataatsimeersuarnerni aalajangikkanik piviusunngortitsinissaminnut pisussaa-titaapput.

Imm. 2. Siulersuisut inuttaqarput siulittaasumik, siulittaasup tullianik aamma siulersuisunut ilaa-sortanik pingasunik, ataatsimeersuarnermi ukiunut marlunnut qinigaasunik. Siulersuisunut ilaasor-tat tamarmik oqaaseqarsinnaatitaallutillu, siunnersuuteqarsinnaatitaallutillu taasisinnaatitaapput

§ 20. Siulersuisunut ilaasortaq politikkikkut suliaqarnini pissutigalugu allamilluunniit pissuteqarluni siulersuisunut ilaasortatut suliasaminik isumaginnissinnaajunnaartutut naliliiguni, taanna siu-lersuisunut ilaasortaajunnaarniarluni aalajangersinnaavoq.

Imm. 2. Siulersuisunut ilaasortaq inuusuttunut immikkoortortap aningaasaataanik atornerluisima-soq siulersuisunut ilaasortaajunnaarsinneqarsinnaavoq. Siulersuisut aammattaaq siulersuisunut ilaasortaajunnaartitsinissamik aalajangiisinnaapput siulersuisunut ilaasortaq inuusuttunut immik-koortortamut allatut ajoqusiisimappat, soorlu siulittaasumit akuerineqarnani paasissutissanik alla-gaatinilluunniit SIK-mut ajoqutaasumik atorneqarsimasunik ingerlatitseqqiisimappat, imaluunniit inuusuttunut immikkoortortap ataatsimeersuarnerani, imaluunniit SIK-p ataatsimeersuarnerani, nakkutilliisoqarfiani siulersuisuuneriniluunniit aalajangikkanut akerliusumik iliuuseqarsimappat.

Imm. 3. Imm. 1-2 naapertorlugit ilaasortaajunnaartoqartillugu ilaasortaajunnaarsitaasoqartillugu-luunniit siulersuisuni sinniisussaq qinersinermi § 14, nr. 8-mi taaneqartumi taaneqarnerpaasima-soq ilaasortanngussaaq. Sinniisussat arlallit amerlaqatigiinnik taaneqarsimappata, imaluunniit sin-niisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqassaaq.

Imm. 4. Siulersuisunut siulittaasoq politikikkut suliaqarnini pissutigalugu allamilluunniit pissuteqarluni siulittaasutut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Imm. 5. SIK-p Inuusuttaasa siulittaasuata inuusuttunut immikkoortortap aningaasaataanik atornerluisimappat siulersuisut ataatsimeersuarnermi inassutigisinnaavaat siulersuisunut ilaasortaajunnaarsinneqassasoq. Aammattaaq ataatsimeersuarnermi ilaasortaajunnaarsitsinissamik aalajangiisoqarsinnaavoq siulittaasoq inuusuttunut immikkoortortamut allatut ajoqusiisimappat, soorlu paasissutissanik allagaatinilluunniit SIK-mut ajoqutaasumik atornerqarsinnaasunik ingerlatitseqqiisimappat, imaluunniit inuusuttunut immikkoortortap ataatsimeersuarnerani, imaluunniit SIK-p ataatsimeersuarnerani, nakkutilliisoqarfiani siulersuisuuneriniluunniit aalajangikkanut akerliusumik iliuuseqarsimappat.

Imm. 6. Imm. 4-5-imi taaneqartutut pisoqarnerani siulittaasup tullia siulittaasunngussaaq ileqquumik ataatsimeersuarnissami tulliuttumi siulittaasumik nutaamik qinersinissap tungaanut. Taava siulersuisut siulersuisunut ilaasortamik siulittaasup tullianik nutaamik qinersissapput. Tamatuma peqatigisaanik siulersuisuni sinniisussaq qinersinermi § 14-imi nr. 8-mi taaneqartumi taaneqarnerpaasimasoq siulersuisunut ilaasortanngussaaq. Sinniisussat arlallit amerlaqatigiinnik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortanngussanersoq makitsissutigineqassaaq.

Siulersuisulli aalajangersinnaapput § 18 naapertorlugu immikkut ittumik ataatsimeersuariaqqusisoqassasoq siulittaasussamik nutaamik piaarnerpaamik qinersinissaq siunertaralugu.

Imm. 7. Siulittaasoq siulittaasutut suliassaminik sivisuumik isumaginnissinnaanngippat taanna sulingiffeqartinneqassaaq, siulittaasullu tullia siulittaasup suliassaanik isumaginilerallassaaq. Siulittaasup uternissaanik siulittaasutullu suliassaminik isumaginneqqilernissaanik ilimanartoqanngippat siulersuisut aalajangersinnaapput siulittaasup tullia siulittaasunngussasoq ileqquumik ataatsimeersuarnissami tulliuttumi siulittaasumik nutaamik qinersisoqarnissaata tungaanut, tamatamalu peqatigisaanik siulittaasup tullianik qinersisoqarluni aammalu imm. 6 naapertorlugu sinniisussamik siulersuisunut ilaasortanngortoqarluni. Siulersuisulli aalajangersinnaapput § 15 naapertorlugu immikkut ittumik ataatsimeersuariaqqusisoqassasoq piaarnerpaamik siulittaasussamik nutaamik qinersinissaq siunertaralugu.

Imm. 8. Siulittaasup tullia politikikkut suliaqarnini pissutigalugu allamilluunniit pissuteqarluni siulittaasup tulliatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Imm. 9. SIK-p Inuusuttaasa siulittaasuata tullia inuusuttunut immikkoortortap aningaasaataanik atornerluisimappat siulersuisut ataatsimeersuarnermi inassutigisinnaavaat siulersuisunut ilaasortaajunnaarsinneqassasoq. Aammattaaq ataatsimeersuarnermi ilaasortaajunnaarsitsinissamik aalajangiisoqarsinnaavoq siulittaasoq inuusuttunut immikkoortortamut allatut ajoqusiisimappat, soorlu paasissutissanik allagaatinilluunniit SIK-mut ajoqutaasumik atornerqarsinnaasunik ingerlatitseqqiisimappat, imaluunniit inuusuttunut immikkoortortap ataatsimeersuarnerani, imaluunniit

SIK-p ataatsimeersuarnerani, nakkutilliisoqarfiani siulersuisuuneriniluunniit aalajangikkanut akerli-
usumik iliuuseqarsimappat.

Imm. 10. Siulittaasumik, siulittaasup tullianik imaluunniit siulersuisunut ilaasortamik tunuartitsinia-
rneq (ilaasortaajunnaarsitsiniarneq) aalangiiffigineqartinnagu inuk pineqartoq tunuartitsinermik
oqaaseqarfiginninnissaminut periarfissinneqaqqaarallassaaq.

Imm. 11. Imm. 8-9-mi taaneqartutut pisoqarnerani siulersuisut siulittaasup tullianik nutaamik qi-
nersissapput siulersuisunut ilaasortat akornannit. Tamatuma peqatigisaanik siulersuisuni sinniisus-
saq qinersinermi § 14-imi nr. 8-mi taaneqartumi taaneqarnerpaasimasooq siulersuisunut ilaasor-
tanngussaaq. Sinniisussat arlallit amerlaqatigiinnik taaneqarsimappata, imaluunniit sinniisussat
taasinertaqanngitsumik qinigaasimappata, kina siulersuisunut ilaasortanngussanersoq makitsis-
sutigineqassaaq.

Imm. 12. Siulittaasup tullia siulittaasup tulliatut suliassaminik sivirusumik isumaginnissinnaanngip-
pat taanna sulinngiffeqartinneqassaaq, taamaattorli taanna kisiat pissutigalugu siulittaasup tullia-
nik nutaamik qinersisoqartariaqarani. Siulittaasup tullia uternissaanik siulittaasullu tulliatut suli-
assaminik isumaginneqqilernissaanik ilimanartoqanngippat siulersuisut siulittaasup tullianik nutaa-
mik toqqaasinnaapput. Tamatuma peqatigisaanik siulersuisuni sinniisussaq qinersinermi § 14 nr. 8-
mi taaneqartumi taaneqarnerpaasimasooq siulersuisunut ilaasortanngussaaq. Sinniisussat arlallit
amerlaqatigiinnit taaneqarsimappata, imaluunniit sinniisussat taasinertaqanngitsumik qinerneqar-
simappata, siulersuisunut ilaasortanngortussaq makitsissutigineqassaaq.

§ 21. Siulersuisut suleriaasissaminnik namminneq aalajangersaassapput, soorlu qanoq aalangi-
soqartassaneranik, ullormut oqaluuserisassat sunik imaqarnissaannik, ataatsimiigiaqqusinerni peri-
aasissamik kiisalu siulittaasooq siulittaasullu tullia sunik suliassaqaassanersut.

Imm. 2. Siulersuisut ukiumut pingasoriarlutik naapillutik ataatsimiittassapput. Taaakkua saniatigut
telefonikkut imaluunniit allakkatigut ataatsimiittoqarsinnaavoq.

Imm. 3. Siulersuisut pisariaqartitsineq naapertorlugu ataatsimiititalianik inuusuttunut immikkoor-
torta qarfiup sulineranut tapersersuisussanik pilersitsisinnaapput.

§ 22. Siulersuisut ataatsimiinnerinit imaqarniliat ulluinnarni aqutsisunit nassiunneqartassapput siu-
lersuisunut ilaasortanut, attaveqaatinut § 16-imi taaneqartunut kiisalu SIK-p allattoqarfianut, ata-
atsimiinnerup kingorna kingusinnerpaamik sapaatip-akunneri pingasut qaangiutsinnagit.

Ulluinnarni aqutsisut

§ 23. Ulluinnarni aqutsisut tassaapput siulittaasoq aamma siulittaasup tullia, tassa SIK-p Inuusuttaasa ulluinnarni siulersortai. Siulittaasup siulittaasullu tullia isumaqatigiissutigissavaat akisussaaffiit suliassallu qanoq agguataassanerlugit.

§ 24.

Ulluinnarni aqutsisut nakkutigissavaat inuusuttunut immikkoortortaqrarfiup aningaasaqarnera illersorneqarsinnaasumik aamma missingersuutitut siulersuisuunerit aalajangigaannut naapertuuttumik ingerlanersoq.

Attaveqaatit

§ 25. Illoqarfinni nunaqarfinnilu SIK-p peqatigiiffeqarfigisaani attaveqaatissanik toqqaasarnissaq siulersuisut akisussaaffigaat. Attaveqaatit taakku SIK-mut ilaasortaassapput.

Imm. 2. Attaveqaatit siulersuisut sulinerat pillugu ilisimatittuarneqarnissaat siulersuisut pisussaaffigaat, soorlu siulersuisut ataatsimiinnerinit imaqarnilianik nassittarnerisigut.

Imm. 3. Attaveqaammik taamaattoqarpat tamanna siulersuisunut nalunaarutigineqassaaq, taak-kulu attaveqaatissamik nutaamik piaarnerpaamik toqqaassapput.

Aningaasaqarneq

§ 26. SIK-p Inuusuttaanut ilaasortaaneq immikkut ilaasortaanermit akiliuteqarfiunngilaq. Tassa SIK-p Inuusuttaanut ilaasortat SIK-mut ilaasortaanermit akiliuteqassapput SIK-p malittarisassaani § 38 naapertorlugu.

Imm. 2. SIK-p Inuusuttai immikkoortortaqrarfiup ingerlanneqarneranut tapiiffigineqarsinnaapput SIK-mit aningaasaateqarfinnilu il.il.

§ 27. SIK-p Inuusuttai ukiut tamaasa missingersuusiortassapput, ukioq missingersuuteqarfiusoq tulliuuttoq sioqqullugu SIK-p siulersuisuunerinit akuersissutigineqartunik.

Imm. 2. Siulersuisut ukiut tamaasa naatsorsuusiortassapput SIK-p allattoqarfianit kukkunersiorneqartunik. Naatsorsuutit kukkunersiorneqareerpata siulersuisunit akuersissutigineqassapput, ataatsimeersuarnermilu ilisimatitsissutitut saqqummiunneqarlutik.

§ 28. SIK-p Inuusuttai aningaasatigut ajornartorsiuteqartut paasineqarpat SIK-p allattoqarfia ajornartorsiutit iluarsineqarnissaannut ikiutissalluni pisussaataavoq. Taamattaq SIK-p allattoqarfia pisussaataavoq inuusuttunut immikkoortortaqrarfiup ingerlanera pillugu siulersuisuunernut ilisimatitsissalluni, taamaalillutik siulersuisuunerit inuusuttunut immikkoortortaqrarfimmi

anigaasaqarnikkut pissutsinut akuliussinanaassammata ajornartorsiutit iluarsineqarnissaasa tungaannut, soorlu immikkoortorta qarfirmut pituttuisunik aalajangiussa qarlutik.

Imm. 2. Inuusuttunut immikkoortorta qarfiup anigaasaataasa atonerlunneqarnerannik SIK-p alattoqarfia pasitsaassa qaruni imaluunniit ilisimasaqalersimaguni pisussaataavoq tamanna siulersuisuunernut nalunaarutigissallugu, taamaalillutik siulersuisuunerit anigaasaqarnikkut pissutsinut akuliussinanaassammata, soorlu immikkoortorta qarfirmut pituttuisunik aalajangiussa qarlutik.

Atsiorsinnaaneq akisussaanerlu

§ 29. SIK-p Inuusuttai sinnerlugit siulittaasoq siulittaasup tullianik imaluunniit siulersuisunut ilaasortamik allamik peqateqarluni atsiorsinnaatitaavoq.

Malittarisassanik allanngueq

§ 30. SIK-p Inuusuttaasa malittarisassa atamaallaat inuusuttunut immikkoortorta qarfiup ataatsimeersuarnerani aalajangernikkut SIK-llu siulersuisuunerisa akuersissuteqarneratigut allanngortinneqarsinnaapput.

Imm. 2. Malittarisassat allannguutaat ataatsimeersuarnermit aalajangiiffigineqartumit atuutilisapput.

Ataatsimeersuarnermi akuersissutigineqarput ulloq 04-10-2023

Siulersuisuunernit akuersissutigineqarput ulloq

Ane-Marie H-Jørgensen
SIK-p Inuusuttaasa siulittaasuat

Jokum Zeeb
Ataatsimeersuarnermi aqutisoq